

1 Petoro

¹ Petoro, na Yesu Kristo wane aposolo, nonjo Anutuño ñei ñerep magukoune ma wesakñunge, ñine din bun wiri more yau yaup ariu paki kepe banem ge arimami, Pontus, Galatia, Kapadosia, Asia so Bitinia, ñinane kibi iwa qe ñibonmaile.

² Anutu Magak eñe mokaka detki pake, ea wane rokopko ma wesakñunge, paki eñine Asuineño ñibuki, ñei ñerep kuneneñ so koboboine okangoi, eamo Yesu Kristo wane don dere tewek okangei, wane so eñine weñemineño saukñungi, libe qekei wane, yale okanñunge.

Wane mosop so peamño ñinano maine wat-watko payake.

Gege Maine Qeliwo Tomañone Pamaike

³ Nene Anutu, Waomze Yesu Kristo wane Magaine bakomine kitoñem, onoka wane eñe qom borik zok suaine pa manmaikane, Yesu Kristo seu seuo ñine ma wisikae kaki wieke, eao eñegege musele ñene ma wakone ñebonge, eamogege wane dereretgege yewarop qewatñonge.

⁴ Eso ea wane ñene deze pore alakane, Anutuño mosopine zok suaine ñei ñerep magukoune eñane wareka gemaikae, ea wane welaine okangene. Eñe yewa warekaki, weti qeliwo ñenane pamaikae. Yewao, eñe mi gotosiake, me kine kine maneño mi mataliake, me mi mida leleake.

⁵ Mosop yewa mo ñinane biñek, ñine Anutu detlukka okanmami, wane mali malip ñinane ra

more enane zonomno ware kaulukki, mayakatneka pamageki, Yesuno koso zinge njibuyakane naso suaine didiwo wakonlukeake.

⁶ Njine mosop ea wane batne okane gemami, no ukude iwa yemo naso bamgoka njine maine wet borik detmami, onoka wane liwe liwek kine kine wakone liwek njungi, njine wikile dere silun soringe more togolekei.

⁷ Liwe liwek korop ea, yemo mali malipnjine togole so libe libe koboboine pamaike me mida, ea wane kine wakoniakane liwek kayake. Gol, tanik yewaka nei edo kine kine pelekine ea gerepko mitpi, sinoine kutno, ea mo yeine, so gol eno welainane binjek kine ma wakoniake. No njinane mali malipnjine yemo manerop lewine kakapa suaine, gol wane rokop midakaka, ea wane Waom ene mali malipnjine yalewaka liwek kayake, paki maine ene togoleake. Pakimo, Yesu Kristo sari lotkeake, Kaiwe Naso yewao njine ban wet pesek so qeli ewe zonom so bakom mawa mawa marat kaikei.

⁸ Njine Yesu mi kakoi, no silun wet maep okanka okanmami, so enane njunmaike, njine naso iwao denjinejo ene mi kamami, no silun wetnjinejo detluke malipka okanmami, pakimo, njine wet menan kakapa suaine, so simile manerop nei anano maine mi ra wakon ra wakone, ea detka okanmami.

⁹ Onoka wane njine mali malip njinane wele so ono ono njinane mena menan ea wane wele marat kamami, wane wet pesek okanmami.

¹⁰ Mena menan, ea wane propet ene bororom zuangoi, so kaululukko, pakiso, ene mosop yewa

Anutuŋo ŋine ŋiboniake, ea wane don rawakongoi.

¹¹ Kristo wane Asuine kotoeno geke, oŋo Kristo eŋe wikile kine kine dere arimage, koso qeli ewe zonomine ma more geake, ea wane weteno don motki, eŋe nasu diawao ea wakoniake, so ea daleo sari wakoniake rau paki, ea wane kine deskei wane ma zuaŋ okangoi.

¹² Anutuŋo propet rawakone sikan onge, yemo eŋe urata maikei, eamo enŋenane ra more midakaka, yemo ŋido menaŋgei wane rau paki, eŋe kine kine ea ra wakongoi. Wane ŋine ukude Don Maine rawakon ra wakon aposolo eŋano ŋine detmami, Anutuŋo Asu Koboboine qeliwo ŋine talekaki ket more, eŋane zonomineŋo qesiŋongi, eŋe Don Maine ea ra qelaŋangoi. Aŋelo eŋe yaleka don maine ea weneŋ desikei wane simile det okanmami, ŋo ŋaŋaemami.

Anutuŋo Gege Qelaŋanerop Gekenane Nedorake

¹³ Miti wane kine detluke gemami, ea wane ŋine wetŋine maulukeyu paki, diam ŋine ma more koto ŋinane sawe gekei. Wet wisika gekei, paki wet dereretŋine weku motpi, Yesu Kristo sari lotkeake, nasu yewao, mosopine ŋiboniake, eaoka payake.

¹⁴ Anutu wane aŋaine tewekkei, paki mokaka qelaŋ geu paki, gegenine qebinkau, qom riwe riwe ea wane qelit qeqe okange, yale misuk okanikei.

¹⁵ Ea wane tungo yemo, ŋine kine kine iwa yale miti dereret magu wele, so gegenine ea mo Waom

wane qelit qeqe okane more, njine okanikei, koropjo koboboinaka okanikei, onoka wane, Anutu eje koboboinaka gemaikenjo njine njidora newan njungane, njido yalewaka enjerop koboboina gekei.

¹⁶ Anutu wane Papijanjo iwa yale ramaike, “Na Koboboina gemailane, njine yalewaka koboboinaka gekei.”

Anutujo Kine Kine Lewine Suainenjo Qolenjonge

¹⁷ Njine Anutu menjenkau paki, Magak ora okanmami, eje jei korop tanik manik kine kine okan okanmami, ea wane rokopko jei bonep bonep kineene ma wakone okan onmaike. Eso ea wane njine iwa kulit kepeo gemami woka, kaet njungi Anutu ewine kito gekei.

¹⁸ Njine gege mage borikine, wele midaine, aso njabokop njine enjano njine makoi, eamo onokakanjo qolenjune more, siwotnjungi mulap midaine okan-goi? Ea njine mo det waremami, eamo kine kine lewine ketkele, silwa me goljo mi qolenjunge, midakaka!

¹⁹ Njine borikino njine siwore qekok njunge yemo, kine kine lewine suaine, Kristonjo, eje lama medeune yale sotine me diine midaine.

²⁰ Anutu eje mokaka qeli so kepe mi ma wakon otke, naso yewaoka eje Kristonjo urata ea mayakane ra mange, eso wako wakon eamo njado naso qoeakane okangi, njinane ra more wakonge.

²¹ Onjo qesinjungi, njine Anutu detlukka malipkakoi, Anutu seu seu njine ma wirikkaki wisikae wieke, so qeli ewe zonomine mange. Eso yalinane njinane mali malipnjine so teba tebanjine Anutu wano makatake pamaike.

Kima Kima Gekenane Miti Donjo Ma Wisikaenonge

²² Njine don wele ea dere tewekkoi, wane oņa oņaņine saukkau, libe libe okange, paki kimakop njine mali malip korop eņerop kima wele okangoi. Ea wane ukude njine njidomka korop wet maep manerop qei koto njino njinenjo saki okannagukei.

²³ Njine wako wakon musele eamo waet mida midaine, eaņine mi wakongoi, yemo Anutu wane don, gegeinerop so papa togon gorop, eaņine wiriu paki wakongoi.

²⁴ Ea wane don Anutu wane don sogino kibi iwa yale qeqinenjo ramaike,

“Njine korop eņe touk zubaine yale, eso eņane kibi maepene korop touk zuraine yale. Touk eņe seukeake, eso zuraine buratke kepeo qakeake,

²⁵ njo Waom wane don yemo papa togon pa ariake.”

Don ea, Don Maine miti nej edo njinano ma sari ra qelaņangoi.

2

Waom Eņe Wesi Togogole Gegeinerop So Magakoune Eņe Libe Libe, Sot Midaine

¹ Don ea raqelaņan njungoi, ea wane njine njidomka borikine kine kine korop qeliņ warekei, isi don manerop mi raikei, me sola mawa mawa, me qom riwe riwe me gube qesat me det worik okane don njade njade rara, ea yeine qeliņ warekei.

² Paki, njerep medep musele abubu wakon-mami, eņe yale okane more naso baņem oņa

oŋa ŋinane ŋamu maine libeka ea wane simin ŋuniake, eso ŋine yewa neu paki, maine suakei so menangei.

³ Ea wane Anutu wane Don sogine mo kibiwo qeqine, eaŋo iwa yale ramaike, “Ŋine Waom wane wet maep, eamo kau paki detpi simile ŋunge.”

⁴ Waom wano sariu, eŋe wesi gegeinerop, mat mama ŋei eŋe kau, lewine midaine okangi ŋadekka birakakoi, ŋo Anutuŋo yemo detki lewine suaine, wawaine okangi, ma wakonka more, mat wesi bosin togogole birakake.

⁵ Ŋine wesi gegeinerop yale okane sariu, paki, ŋine ŋidomka solaŋine sunkau, Anutuŋo ŋinane sola ebu more, Asu wane Bakom Urum biranune, mat mamaike, Urum yewa kotino ŋine baŋ pris koboboine urata maikei. Ŋine Kristo wane ra more Urum koto Anutu ewine kito kito, so miti urata mau menangi, Anutuŋo ka more siminkayake.

⁶ Anutu wane don sogine kibiwo qeqine mane, yewaŋo iwa yale ramaike,

“Na mat mama, wesi lewine suaine mane ma wakongole, eamo na ukude mat ma togoleakane Zion bonagao mat mamaile, ea wane ŋei mane eŋe ea malipka lukkayake, eŋe maine mi gamukayake.”

⁷ Wesi iwa malipka lukkaikai, ŋinano yemo Kristo eŋe wesi bosin togogole lewine suaine okanmaike, ŋo mi malipka lukkaikai, eŋane yemo Kristo eŋe detpi bosin pelelekatne yale,

“Wesi yewa mat mama ŋei eŋe qaisikka qelingoi, eaŋo qeinge more wesi bosin togogole

okange.”

⁸ Ea wane Anutu wane Donjo mane iwa yale kito nɛdanmaike,

“Wesi yewajo qunqe, ɛei kieene qegulok warekei, wesi togogole yewajo qunqe, ban rasukei.”

Eɛe kieene qegulokke rasukei, onoka wane, Don Maine mi malipkakoi, mo sogine Anutuɛjo yalewa wakon oniakane so dere togoleke, ea wane rokop wakoniake detke.

⁹ So Anutuɛjo Kristo eɛe yalewa wakononiakane mo detke, ɛo ɛine yemo yalewaka Anutuɛjo mo ma wakon ɛunge, ɛine ɛei Waom Yesu wane pris, ɛine ɛei ɛerep magu kuneɛine, ɛine Anutu eɛine ɛei ɛerep magukoune, ɛine Anutu masi tanikine weku mane ea wane don kisiine ra qelanɛnbi sua ariakane ma wakonɛunge. Oɛo ɛine panaman kotino ɛine ɛidora tebanune more, eɛine qelanɛn maepino biranunge.

¹⁰ ɛine sogino Anutu wane ɛei ɛerep magu mi okane gekoi, wane siluɛ ukude yemo eɛine ɛei ɛerep magukoune okanmami, sogino ɛine Anutu wane wet menaɛ ea mi detkakoi, ɛo siluɛ ukude iwa yemo ɛine eɛine wet menaɛ ea mo makoi.

Anutu Wane Qelit Mama Okane Gekene

¹¹ Kimakopne, na ɛine ɛidanbe detpi! ɛine ɛei lobo yale iwa kulit kepeo gemami! ɛine so-ɛane misuk qeliɛkau bailalaɛ wane qelit qeake, bailalaɛ eaɛo wetɛine matali kayakane naso banem okan okanmaike.

¹² ɛine qelan eɛane keueno gegenine mayakatneka geu, qelan eɛe gegenine mayakatne, ea

kaulukeu paki, borikine mama ηido rau ra, ea ban yeine qelinjeu, paki Anutu sariake, kaiwe naso yewao, eweηine kitokei.

¹³ Njine Waom Yesu wane rau paki, ηeiηo numa kine kine motkoi, yewa tewek warekei. Roma Kepe Njine Waom Wawaine eηane don dere aηaene tewekkei.

¹⁴ So ware ware ketkele eηane aηaene tewekkei, eηe kepe ηei waomηo ηei borikine mama, eηe makoboe oniakane biraonge, so ηei ηerep masi tanikene mayakatne ma okanmami, ηei ηerep yaline eηe yemo mawa onikei.

¹⁵ Anutuηo okanikei wane ra okanmaike, yemo iwa yale, Njine qelanje qelan don, ra siuk okanmami, eηe ηinane tanik manik mayakatne yewa kau paki, don rara wane rokop mi okanikei.

¹⁶ Anutuηo borikinane mulap mo siwot ηungi, ululuη qeke gemami, ηo ηine yale geu paki, misuk raikēi, “Na mo maine yau yaup gewe, eaηo turuηine mane mi okaniake me?” O, Midakaka! Eamo eηe turuηinerop weneη okanmaike ηine maine Anutu wane qelit qeηe gekei.

¹⁷ Ea wane ηine ηei korop eηane eweene kito okanikei, ηei kimakop ηine mali malip korop eηe wet maep okanonikei, Anutu wane kaetηungi, Roma kepe ηei waom aηaene tewekkei.

Yesu Wane Kie Tapot Mogare Wikile Desikene

¹⁸ Qelit mama, ηine ware ware kopηine eweene kitou paki, aηaene tewekkei. Ware ware pelekine so momoineka mida, eηe donene togogle weneη, ea wane ηine eηane doneene so aηaene weneη tewekkei.

19 Anutu eje ea wane raki paki, ban mosop njuniake, njine silun wikile manerop detmami, yemo Anutu wane rau paki, yale det okanmami.

20 Njine sot korop okanbi, kumunamjo ea wane ra njinguwi, bau wawa midaine geu, ea wane lewine onokaka zinge njiboniake? No njine masi maine okanbi, ea wane ra wikile njibonbi, bau wawa midaine wikile desikei, yemo Anutujo ea wane raki paki, mosop njuniake.

21 Anutu eje ea wane raki paki, njidora newannjunge, onoka wane, Kristo onjom njinane ra wikile peikki paki, numaine sikanjungane, njine enjane kie tapot yewa maine mogasikei.

22 Yesu eje sot mane mi okange, isi don mane anjaino njine saketki, nei maneno mi detke, o midakaka.

23 Kristo eje masi worik okankau paki, don gotkoine olatpi, eje turunjine don gotkoine mi mainge edange. Eje wikile manbi, turunjine qom sua don mi edange, eje iwa yale detke, "Anutu eje wano wanokze koboboine, onjom nanjane kine dere wanok okaniake."

24 Kristo onjom nenane borikineze peikki, kutno waki kauke ari kiben qabego rasikke, wane njene maine borikinezane ra more seukenane, eso koboboine gegezane gege maine gekene, so enjane kubetijine njinane sot kubetijine maki osike.

25 Njine lama yale, numanjine qelinge touko ket yau yaup ariwarekoi, wane ukude yemo mo Anutujo njibu sa biranjungane Welanjine, so onja onja njinane Ware Ware enjane njadino mogare arikei.

3

Nao Nanom Don

¹⁻² Njine Waom enjine mogare arimami, rokop yalewaka njerep njine njakop njine enjane bango ketkele gekei, njoni enjanonjine natne enjane Anutu wane don dere mi malip kakeiwo, yemo enjane ban njerewekopeene njinane tanik manik mayakatne, donjine midaine, gege magenjine bailalan gorop mida, yalewa geu paki, njakopnjine eweene kitokei, so enjane njinane masi tanik manik ea ka more enjane yalewaka Anutu malip kaikei.

³ Njerep, njine solanjine mauluke more kibi maep korop gege, ea waneka misuk detokangei, lewenjine manerop mauluke yaso yaso, me kikum ebe ebek, me takot laplap kibine lewinerop kine kine masi eaka mida.

⁴ Ea wane turunjine yemo, njine kotonjinane kibi wele ea maikei, kibi maep ea papa togon, enjane wet pesek so kotonjino tik siuke payake, ea yemo lewine suaine, Anutu njoni kaki menageake.

⁵ Miti njerep sogine gekoi, enjane wetene Anutu wano motpi paki, numa yaleoken okane kibi maep weteno aukoi, paki njakopene enjane bango ewene kito ge more maulukone gekoi.

⁶ Sara enjane yalewa okange, enjane Abraham anjane teweke geki paki, iwa yale orake, "Nanjane Waomne." Njine ukude Sara wane borasokoune okanmamiwo, yemo njine kine kine maineka okangei, so njakopnjine edo qelan okanbi ea wane njine misuk kaet okangei.

⁷ Njoni njine yaleka njanowekopnjine enjane bororom gekei paki desikei, enjane njerep zonomene

midaine, ea wane njine ewe kito kitoinerop okan ongei, onoka wane eje yaleka njinerop Anutu wanonjine gege wane mosop ban wenej makei, njine yewa okangeiwo, yemo kine kine manenjo menje menennjine ea mi lenkayake.

Njine Doku Tau Tau Magu Daleo Okannagu Gekei

⁸ Njine doku tau tau magu ea wane daleo okannagu gekei? Yemo iwa yale, njine korop dereret weku so wet wekuka ma gekei, njine kimakopnjine wet maep okanonikei, so maulukone more ketkele bororom gekei,

⁹ Masi qotkoine okannunbi, njine turunjine masi qotkoineka misuk okan onikei, me soaknunbi, njine turunjine misuk soakonikei, ea wane turunjine yemo mosop onikei, onoka wane, mosop yemo Anutujo mo njiboniakane ra njidangi paki, ea wane ra njidora newan njunge.

¹⁰ Anutu wane Don sogine kibiwo mo qeqine eaño yale kito njebonmaike,

“Mane eje gege wane simile kamaike so, naso maine marat kayakane okan kamaikeo, eje don qotkoine mane mi rayake, so isi don rara ea qelin wareake.

¹¹ Eje qotkoine njadekka more maine ea okaniake, eje peam nei magu zuage keueno maratkaki paki ea mogare ariake.

¹² Waomño nei koboboine enano deine pore wareongi paki, naso banjem menje meneneene det okanmaike, ño borikine mamami, yemo njadekon okanmaike.”

Qelaŋ Nei Eje Wikile Wakon Njoniake Ea Wane Girem Don

¹³ Njine kine kine mayakatne ea okanikei wane sorin borin okanbi, maŋo baŋ matali qetali okan njoniake?

¹⁴ No njine gege mage mainane, wikile kutnjino wayakeo, yemo njine wet pese desikei, Anutuŋo baŋ mosop njoniake! Nei eŋane misuk kaet njoniake, so dere mezet mi okangei.

¹⁵ No wetnjineŋo yemo Kristo ma walukkau koto njino geake, so wetnjine birakau Waom njinano paki, ewine kito gekei. Eweke more naso baŋem nei mane maŋo titi qeson njibuki, njine wetnjineŋo Anutu wane don kine kine tebaka gemami, ea wane kine ra qelaŋan olasikei.

¹⁶ No ea yemo wet pesek so ewe kito kitorop okane ra qelaŋangei, wet dereretnjine warekau qelaŋan gorop payake, yale okane njine Yesu Kristo wane dokoine okane more kine kine maine okanmami, ea wane ra more qelaŋ edo isi don ra mabaik okan okanmami, ŋo ŋado yemo njinane gegenjine so masinjine maineŋo eŋane isi don rara, ea tileke sikanongi, kau paki, baŋ gamuoniake.

¹⁷ Onoka wane, kine kine maine okanmami, ea wane yemo Anutuŋo detki, maine wikile kutnjino wayake, ŋo borikinane wikile kutnjino wayake, dereret eamo qotkoine.

¹⁸ Kristo oŋom njinane ra seukke, eje atak weku eaoka borikine korop ea wane seukki midake, eje nei maineŋo nei borikine eŋane seukke, yemo njine iwennjune ari, Anutu wano biraŋuniakane, yale okange. Eje solarop gekane qeu seukke, ŋo Asurop gekane ma wisikae kake.

¹⁹ Yesu kibego seuke more denjesereo pake, ea wane keuno, naso yewao ñei sogine miti midaine, ge more seukoi, enjano ari miti edange, eñe we-teene maingeu rap.

²⁰ Iwa yemo ñeiwa Anutu añaine teweke ewine mi kitou paki, borikine kine kine loutne so umatne mau, eñe ongi mi menañgi, raki doku qakumño enguwareke. Ño naso yewa Noaño Anutu wane don malipka toma ge more seki make, ñei ñerep ewekineñoka sekiwo wakoi, eñe 8 ñoku, sekiwo metpi dokuño sese onge.

²¹ Eamo doku tau tau ea wane girem don ea sikanonge, wane ukude ñine miti dokuo tauonbi, Anutu wane don malipkau paki, eñe ma menañjune okanmaike. Eaño solañinane dika mi sauk okanmaike, eñe Anutu tebakaki sari wetñine mauluke saukki libe qe qelañgi gunulemaike. Eaño Yesu Kristoño ñinane sot wane ra more seuke koso wieke, yewao ma menañjun okanmaike.

²² Anutuño eñe qeliwo birakaki wake paki, Anutu wane wonino qeli ewe zonomineropño mere more, añelo wawaine, so qeli ñetne zonom gorop, korop ea wareongi, enjane bango ge waremami.

4

Yesuño Wikile Detkane Ñene Yaleka Dere More Borikine Ñadekkakene

¹ Yesu eñe solaine wikile detkane, ñine yaleka okanikei, wane ma togole naguwi paki, dereret weku eaka wetkekei, onoka wane mane eñe Yesu wane ra more solainenjo wikile desiake, wikilenjo

wet dereretne ma menanjaki, yemo borikineŋo koso mi ma pese kayake, eŋe boriknane zonom yuanka more koboboine geake.

² Ea wane ukude yemo ŋine kepeo gege gemamiwoka, gegenine ea korop Anutu wane simileŋo warekaki gekei, ŋei qomene riweki borikine mamami, eaŋo midakaka.

³ Ŋine qei bano gesakoi, yewao naso loutne qeligeu paki, ŋei qelaŋ edo okane gekoi, tanik yewa okangoi, ŋine qelaŋ gegenine qeliŋ warekoi, yemo borikine yau yaup mama, wetŋo bailalaŋ qole qole, doku togole ŋat qeŋe nene, osom berek ŋat qeŋe nene, bat ma more newanonbi ari doku togole zok neu paki qelaŋ qe more, wenip qotkoine oka okan, so lopio eŋane qelitene qe more meŋenon meŋenon, ea mado madoŋine.

⁴ Eso iwa yemo ŋine qelaŋ ŋei eŋano takotke more gege mage wekuka zubaine so qazazaŋka mi okanmami, wane eŋe oŋaene qaemaikē, paki eŋe ŋine don qotkoine ŋidanmami.

⁵ Ŋo eŋe baŋ kineene Anutu wano rau paki don urata makei, eŋe mo ŋei seu seune so wisikaune kineze ma wakoniakane ewekmaikē.

⁶ Kine iwa yale wane, Yesuŋo Don Maine ea ŋei sogine miti midaine seukkoi, eŋano yaleka miti edange. Yemo eŋe solaeneŋo maine ŋei numa qotkoine pamaikē, ea wane rokopko, korop turuŋine marat kakei, eso oŋa oŋaŋo yemo wet maingeu paki, eŋe gege maine Anutu gemaikē, yale waka gekei wane, ea edange.

*Urata Medep Maineŋo Anutu Wane Metezamot
Maine Matokeake*

⁷ Yeye kine kine korop qoeakane, naso mo bomilemaiike, ea wane njine koto njinane sawe so titiine geu paki eweke more menenkakei.

⁸ Kine kine korop ea wane kutno yemo njine kimakopnjine enjerop wetnjine kotinenjo wet maep okan nagu gekei, onoka wane, wet maepno kimakopnjine okan onikei, yemo ban enjane sot turunjine maine mi mainge ebonikei, wet maepno sotze loutne ea kawetka waremaiike.

⁹ Nei kimakopnjine enj njinane matko waikei, njine enjane matko maine waikei, yale okane don kutne midaine, mapi mapik okan nagukeyi.

¹⁰ Njine koropno Anutu wane mete zamot bonep bonep kine mane kine mane mawarekoi, wane mete zamot yewa mageu, paki nei kimakop njine natne enj kito qesinj ebukei wane, Anutu wano njine mete zamot kine mane ea makoi.

¹¹ Mane enj miti don rayake, yemo Anutu wane don okaniaike, mane enj qesi qesinj urata mayake, yemo Anutuño zonom maniaike, ea wane rokop mayake, pakiso yeye kine kine ea wane bakom mawa mawa, yemo korop Yesu Kristo wane ra more Anutu okankakene, enjano qeli ewe zonom so qelajan tako rakot pa ariake. O, Weleka.

Doku Tau Tau Magu Gemainenjo Yesu Wane Ra More, Wikile Dere Wetpese Maratkakene

¹² Kima maep kopne, liwe liwek wikile teine njinane kutnjino waki wikile detmami, ea wane onjanjine misuk qaeake, eamo kine kine mi wako wakone kunenjine njinano wakonmaiike.

¹³ Ea wane njine Kristorop wikile qeturage detmami, wane wet pese desikei, paki gemage qeli

ewe zonom wakoniake, naso yewao njine maine wet pese dere more oi bakom suaine okangei.

¹⁴ Njine dere worik okan njune qaisik njunikeiwo, yemo njine wet menaᅇ desikei, onoka wane, njine Kristo wane eᅇet biᅇekine mageu, paki eᅇane dokoine okanmami, ea wane kine yemo Asu wane qeli ewe zonom, Anutu wane Asuᅇo njinane kutko geake.

¹⁵ Njinano njine maneᅇo ᅇei mane qeki seukeake me, kobu wane, me masi tanik qotkoinane, me wawaine okane ᅇei natne eᅇane kine kineene kobu wara waraᅇ, ea wane wikile dereret eamo misuk okaniake.

¹⁶ No njine miti wane ra more wikile kine kine okan njunikeiwo, yemo njine ea wane misuk gamu njuniake, onoka wane, njine doku tau tau magu, Kristo wane eᅇet biᅇek magemami, ea wane Anutu bakomine kitokei.

¹⁷ Kine ma wakon ma wakon urata kie kiek ea wane nasoine mo bomilemaike, wane Anutu eᅇine ᅇei ᅇerep magukoune eᅇano alakane kineene ma wakoniake. Kine ma wakon mawakon urata ea ᅇenano kiekeakeo, yemo ᅇeiwa Don Maine Anutu wanoᅇine sariki, mi dere malipkau paki ᅇadekka okanmami, eᅇano daleo baᅇ maki qoeake? Ea yemo mi qoe qoene!

¹⁸ Ea wane Anutu wane Papiao yale ramaike, “ᅇei maine eᅇane mena menaᅇ yemo umatne, ᅇo Anutu midaine so borikine mama eᅇe yemo daleo wakon oniake? Eᅇe baᅇ umat togogle marat kaikei.”

¹⁹ Eso ea wane ᅇei natne eᅇe Anutuᅇo detki menaᅇgi, wikile kuteno wayake, ᅇei yewa eᅇe

gege mageene koboine gekei, paki oŋa oŋaene kopka Mawakon Mawakoneene sunka manikei, eŋe naso baŋem rara togon donine ea wareka okan onmaike.

5

Ware Ware Njine Anutu Wane Lama Magu Wareonikei

¹ Njine doku tau tau magu eŋane ŋetne gemami, ŋine nanane don ŋidanbe detpi, na yaleka ŋetne gemaile, na dene qomineŋo kawe Kristo eŋe wikile detke, na eŋane kine rara, so qeli ewe zonom wakoniake, yewao na baŋ welaine okanikale. Na ŋidanbe detpi.

² Njine lama magu Anutuŋo metenino bira onge, eŋane ware ware okangei, pakiso, Anutuŋo okangei wane wetke ŋibonmaike, ea wane rokopko bau wawa midaine mauluke wareone gekei. Njine uratanjine makei, yemo lewine qole ŋunikei wane wetkeu paki, maine misuk makei, ŋine urata ea wetŋineŋo simile detkau paki makei.

³ Njine ŋei ŋerep magu yewa wareonikei wane raki paki metenino biraonge, ea ŋei waom solanoka okan one more togoleka ware ongeiwane misuk okangei, ŋine lama numa sikan onbi paki bororomgo wet maepko alakane ebonge.

⁴ Paki gemage, lama eŋane Ware Ware Suaine, Yesu lotkeake eao ŋine baŋ marok qeli ewe zonomine weneŋ wagi wagine sutke paki bori worine midaine ea makei.

⁵ ŋei qaluwit, ŋine yaleka ŋidanmaile, ŋine ŋei suaine eŋane bango ketkele gekei, so ŋine

koropŋo ketkele geu paki, qelitŋine qenagu gekei, ea wane Anutu wane Papiao iwa yale ramaike, “Anutu eŋe ŋei wawaine eŋane nago nagon makokki qorodoge ket okanmami, ŋo ŋei ketkele gemami, eŋe yemo mosopine sunka ebon okanmaike.”

⁶ Ea wane Anutu zonomine bano gemamiŋo maket bira nago more ketkele gekei, eso eŋe baŋ eŋine naso biŋekine maine detki pamaike, eao ukude iwaka so baŋ ŋibu wieake.

⁷ Dere qeka okan okanmami, kine kine korop ea eŋane kutko mosikei, onoka wane, oŋo ŋine naso baŋem wareŋun okanmaike, ea wane.

Wet Wisika Gekene

⁸ Wet wisika geu, diam seleleine mau! Ŋinane ŋabaŋine, Satan, eŋe laion yale aŋaine aŋage, eŋe me eŋe qotkawe raki paki ari lotke sari lotke okane gemaiké.

⁹ Ŋine mali malipko kito togogle okorau, paki eŋe mapapkau kesiake, onoka wane mida, ŋine mo detmami, ŋinane kimakopŋine doku tau tau magu mali malip korop kepe baŋem ge arimami, eŋano wikile iwa yewaka wakonwareke pamaiké.

¹⁰ Ŋo ŋine yemo nasomde bangoka wikile detpi, ea wane ŋadino Anutu, mosop kine kine korop ea wane welaine, oŋo qeli ewe zonom papa togon Kristo wano pamaiké, ea wane ŋidora newan ŋunge, oŋom baŋ ŋibuki menangei, so togole togole, zonom, so nago nagon mane ŋiboniaké.

¹¹ Eŋano zonomŋo takorakot pa ariaké! O, Weleka.

Don Qoi Qoine

¹² Na don bamgo iwa Silas olatpe, oño qesin nane more qemaïke, na enane detpe kimane wele okanmaïke. Na ñine ma togoleñune more nan ñingumaïle. Yemo iwa yale. Iwa yemo Anutu wane don wet dereret. Ñine ea wane kotino gesoke togole okorakei.

¹³ Ñinane kimakopñine, doku tau tau magu mane Babilon kepeo gemami, eñe yaleka Anutuño mo ma wakonone biraonge, edo ñinane kaiwe maine, ra motpi sarimaïke, so miti medepne Mareko eñe yaleka ñine kaiwe maine ñibonmaïke.

¹⁴ Ñine mete au au eamo wet maepño doku tau tau magu gemami, wane lulu zam zam aukei. Peamño maine Kristo wane binjek gemami, ñinano korop pawareake.

Waom Yesu Wane Sigi Maep Don
The New Testament in the Ono Language of Papua
New Guinea
Nupela Testamen long tokples Ono long Niugini

Copyright © 1991 The Bible Society of Papua New Guinea

Language: Ono

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Apr 2025 from source files dated 31 Aug 2023

646541a1-8d36-5993-802c-6bb850da5963